

樂府詩鈔



47
11册
(16)

天香先生評語

擬古諸樂府志氣清矯直與晉宋間高流揖讓而不
懣於優孟軒冕此之謂才其不逮初盛唐人在風格
耳

好在造意運筆處都無倚傍而吐屬雅潔自是才人
心口

寓託諷刺救世之熱心亦何異香山東坡諸老而筆
力才情足以達之所可議者討巧與傷雅處耳

樂府詩評

土風詩固不妨入俚語寫俗事然筆則我之筆人俚
而我雅人順而我逆人詳而我略人繁縟而我高簡
未嘗不可以自我傳也

南州年俗多可採入乘志者中間偶有輕淺可芟語
不妨節促使渾厚而意味有餘乃能入選

禽言之類宰民社者誰不當奉爲針艾病在筆太輕
而轉太速未必能立起沉疴非才少患才多也
筆意儘清折而少沉着痛快處亦由其事不奇耳

樂府詩鈔卷一

南昌龔 欽季適甫著

舒 普仲博

徐炬元玉書 校梓

結客少年場行

平生負高志氣與青雲齊遙望長安馳驟誇輪蹄
五陵貴公子艷我輕與肥黃金絡騾裹白玉雕月題
握手共傾倒豈復嗟嶮巖天風不長號屋烏方夜啼
千樽亦易散一劍羞羈縲攬鏡悲星霜惻惻餘清淒

樂府詩鈔

卷一

一

門有車馬客行

門有車馬客歸來自西京依依綠楊柳蕭條卧江濱
臨風忽悵惻落日悲行人行人歎我間段袂起相迎
高揖問鞅掌握手扣所親久無世上懷戀彼區區忱
况此腸鬱紆但爲消息勤客意風飄飄欲語難具陳
相持各歎息嗷嗷憐雞聲

塘上行

宮柳學眉綠淒然不耐黃秋風昨夜生落葉滿池塘

落葉尙思春池塘憶舊痕古來離別處應念故人恩

長門怨

長門春已闌花影玉階寒君寵未爲歇妬懷何日寬
臨風惜棲鳥把鏡悵孤鸞同恨天邊月簾櫳夜夜看

出自薊北門行

高望薊北門天風淒以清孤月照燕山寒雲低代城
勾陳警邊徼烽火連幽并萬馬餘悲嘶長冰斷河澗
朔雁關山來刁斗催霜鳴我起一爲歎悠悠哀夜情

樂府詩鈔

卷一

二

亦旣非燕領所媿侯封成荷鋤畝畝中相與勤春耕

入塞

將士奪天山春風入漢關綵雲迎羽旆白日曜刀鏢
馬嘶金河渡人歌玉塞還征袍一爲卸未改舊時顏

小垂手

行行小垂手雪暗花縈袖華堂燭冷金氍毹織織銀
甲敲瓊瑤南窓北牖香蘭笑開艷幽光絕風調陽春

烏夜啼

城頭月白烟雲黃高樹棲烏天欲霜幽人罷織聽寒
漏燈昏不眠知夜長蟾蜍夜夜迎風起棲烏聲啼
不已銀瓶水合聲更寒妾心未冷冰難死可憐幾日
擣寒衣但聞啞啞心難飛枝依不定總相似顧語無
人空淚垂君不見豪華比屋彈絲絃朝朝夜夜宴歌不
眠雞鳴滿窓不知曙空庭雜道烏驚去

銅雀臺

樂府詩鈔

卷一

三

銅雀起高臺千年不飛去日暮鎖寒煙啼雅繞芳樹
西陵松柏久凋零不及荒原野草青莫笑蘇臺有麋
鹿吳娃猶效採蓮聲

大堤曲

灑灑脂粉塘濛濛幽素香寶馬踏沙路縱轡來襄陽
襄陽兒女憐春色買却春風度簾額橫塘一笑金堤
傾未肯知愁損蛾碧魂依寶枕卧芙蓉夢壓珠簾春
正濃蕩花不惜守紅死萍根何事仍無蹤君不見山

頭黃蘗懷晨露澗底青松亦非故長堤煙雨翠溟濛
參天總是相思樹

怨歌行

枯樹不生風平地不生波李廣不封侯伊其如命何
漢高豈有回天誠文帝一言差動人人生所貴得知
已何妨坎壈終其身可憐報國心長熱未肯南山行
射獵

莖篔引

樂府詩鈔

卷一

四

湘江深易水寒悲苦節涕汎瀾公乎公乎其慕忠臣
壯士之遺風心悵惻而淒酸不畏風濤翻不畏蛟龍
吞捨身欲博千秋名妻呼不顧披髮狂奔天風浩浩
陰雷屯蕭騷夜雨飄靈魂公乎公乎亂流殺身空爾
爲傳聲入絃情可悲上有鼓瑟之湘妃下有擊筑之
漸離繁冤噍殺何悽悽公乎公乎去無還河流不息
聞哀猿

秋夜長

秋夜長梧桐院落東西廂曲瓊參差結綺璜蘭膏明
燭何煌煌歌筵舞帳綠煙香珠幃翠幘紅壁張華酌
雜陳飛羽觴朱顏欲酩蘭護芳陳鐘接鼓吹銀簧新
歌艷艷春滿堂繩河纔挂扇月旁懸火照日升東方
晨熹滿窓爛齊光秋燦燦生曉涼論交空轉銀杯
紫駮馬
千金肯買駿一顧能空羣我歌紫駮馬歎息思古人
穆天子雲中君一鞭紅日驅龍文上窮丹極下紫氛

樂府詩鈔

卷一

五

朝涉九邱暮八墳羽林十二騎晃耀羅秋紋踏陣河
魁將跨營太乙軍驥駮長奔追落月驢驪遠駕掠橫
雲伏櫪李都尉嘶鳴九方歎何地寒風子馬性偏求
馴五花叱撥但娛目杏葉連錢徒軼倫支公神駿特
偶爾武子羈鞅殊紛紛可憐的盧在下廐太行蹭蹬
皆騏驎陸郎斑駁班李白黃芝黃吟懷別意足千古
意氣直欲凌蒼茫遙遙窺玉臺望望瞻金閭桃花滿
地起胭脂隨路長九區率順蒲捐出天閑萬驥皆軒

昂我如欵段去鄉隴豈有殊狀驚孫陽蹀躞萬里志
未已躑躅轅下時彷徨秋風吹衣馬尾動馬鬣欲奮
吾髯張圍人不可怒一怒輪蹄傷吁嗟圍人怒何嘗
我心感歎坐廐下拍手惟吟紫駟馬

擬公莫舞

海翻日暗鴻門裏十萬軍容淨如水殿前銀箭瑩光
寒帳下美人聲變微白紅紫電時相當重瞳顧舞不
顧王江東子弟猶行觴客何爲者將軍傍公莫舞漢

樂府詩鈔

卷一

六

王如龍我王虎不殺漢王亦千古公不見我王叱咤
生風雲玉斗一碎山河分

古秋夜曲和王子陽

瑠房寶鏡橫玉梳清光激灩開芙蓉閨中麗人麗且
都蠶蛾對影解香襦今夕何夕風蕭疎太白高挂金
井梧千古良宵但如此銀河之澗幾千里

大難日

來日大難天風號寒朱門賞雪飲博呼歡皓齒長歌

柔黃細酌一曲陽春千金暖幕入夜無寐寒雞不聞
來日大難風雪填門

擬將進酒

綺閣來佳人持觴一笑春刀頭看明月雙環燦如銀
寶幄吹鶯管瓊筵勸猩唇含情更誰待賤妾千金身

擬結襪子

張子房下取履張釋之結襪子漢廷賢佐天下稱前
後兩張相繼美不知世有黃石公更有王生黃老中

樂府詩鈔

卷一

七

杞上之責非凌貴那堪廷辱到廷尉孺子名成長者
傅子房猶遜釋之賢

擬上留田

今人有始相交愛既負兄遂仇其兄兄亦仇讐兩
不已於訟者有司責悟之余爲述其言作上留田
上留田古有此歌今不然古人上父塚有弟殊顛連
今乃弟飽暖良田盈陌阡汝兄初守貧到汝衣食鮮
汝兄初未仕到汝簪紳聯汝負汝兄不自責汝仇汝

兄兄亦然闕牆之變在頃刻幾希之異分愚賢我亦有兄未能事我亦有弟莫隨肩千言萬語繼以淚弟兄感泣涕泗漣歸來記得有司言我爲翻作上留田上留田今不然

城南虎

夜來有虎躍登城南民居屋脊上屋瓦碎遂陷不得出人告於官而殺之作城南虎

嘉慶七年十二月五日有虎夜跳陷屋脊天明市人

樂府詩鈔

卷一

八

蜂擁來看虎虎伏人喧虺虎足嵌空虎目閃虎聲震人人破膽見人欲噬誰敢撻官來殺虎鼓銅鉦憐汝虎有萬人敵一人持兵逃不得健兒揚揚送官去金花插頭紅縛背說是城南打虎人大笑歸來傲四隣

柴烈婦詩

烈婦浦江人姓高歸柴氏一女甫二齡孤寒守節族人多欲奪其志婦念無所依託女於母薰沐更衣莫夫主遍體針紉夜扃戶自縊死年二十四顏

色如生時有雙鳥市屋檐悲鳴不能去云句無孫
元音筠庭作烈婦操遂同作

嘉慶七年三月十八日有鳥匾檐悲女縊女是高家
琴鳴兒歸爾鳳林年十七柴家爲婦能食貧羹湯偏
得舅姑心舅姑既逝柴郎病天厄柴郎歲飢饉可憐
五夜藥爐香金線偏隨更漏長三年紙帳愁燈火一
旦泉臺隔矮婿中郎有女未解啼陶母空歌黃鵠辭
天譴玉顏嬌綽約怪惹金錢艷媒妁誰題孔雀東南

樂府詩鈔

卷九

九

飛看到棟花春好歸凝粧洗淚供盂飯續楚懸鶉綢
匹練吁嗟烈婦惜花身千古同悲柴市人我來太末
傳幽操啾啾雙鳥仍哀鳴

鷓鴣絲行

沼河取魚者用竹筏載鷓鴣絲鐵圈其喙使捕魚不
能食每得魚以小魚食之否則不肯捕清異錄所
謂烏頭網者是也

鷓鴣絲汝何苦寒天捕魚作聲吾鷓鴣絲汝何罪羽毛灑

血水寒水家家養汝上古槎烏頭之網良可嗟偶食
人食被人用高飛不得空亞啞君不見信天翁日日
待食江湖中又不見雪衣兒朝朝獨立江之湄秋雨
秋煙自蕭散何處鯉魚長尺半水天終古日悠悠笑
儂空爲鷓鴣愁

古憤詞

余讀鐵崖樂府自精衛詞以下得八人錄而哀之
遂爲各繫一詞亦以抒古憤也題曰古憤詞

樂府詩鈔

卷一

十

炎帝女

述異記昔炎帝女溺死東海化爲精衛鳥日銜
西山木石以填海

炎帝女化精衛渺爾東海漫斜睺日銜一木或一石
三變桑田須幾歲西山可移海可塞愚公有子孫精
衛生不息風潮縱無極總有揚塵日世間陷穽填不
得

杞梁妻

梁戰死於莒其妻辭郊弔乃枕夫屍於城下而
哭之哀十日城崩既壅赴淄水死

杞梁妻傳善哭一哭傾城變國俗手搏香土慰忠魂
臨淄水立浮紅玉吁嗟乎哭倒長城後有人長城自
壞千金身不惜城崩弔城下城頭十日雲如馬

衛女傳

衛女嫁於齊太子中道太子死問傅母傅母曰
且徃當喪喪畢女不肯歸終之以死傅母悔之

樂府詩鈔

卷一

十一

取女所自操琴於塚上鼓之忽有雉出墓中傅
母撫雉曰女果爲雉也

衛女傳中心悔悲衛女殉太子衛女之琴無好音墓
中有雉朝飛起傅母傅母安用悔柏舟之詩耳猶在
其妾亦自青齊來衛國何可無人哉

虞美人

項王困垓下美人虞嘗幸從項王歌曰力拔山
兮氣蓋世時不利兮騅不逝騅不逝兮可奈何

虞兮虞兮奈若何歌數闋美人之和項王泣數
行下左右皆泣莫能仰視

垓下楚聲坑美人八千寵愛在一身我王心酸歌莫
倫誰能仰視重瞳驥鴻溝易割恩難割江山肯付杯
羹末萬古悲涼垓下歌大風其如猛士何

王穰女

齊國王穰獻女於元帝帝後宮既多使畫工圖
其形按圖召幸女不賂工乃醜圖之匈奴求美

樂府詩鈔

卷

士

人為閼氏帝以女行召見悔之誅畫工

天生玉貌何能畫寃殺畫工天亦怪按圖索驥已無
驥世有真龍應不愛見面猶能嗔畫工承恩亦在畫
圖中報君一曲琵琶語果然出塞勝當熊君不見漢
廷公卿半衰老幾人仗節長安道上塚高於上景鐘
年年歲歲生青草

蔡文姬

文姬博學有才辯遭亂沒南匈奴曹操素善其

父以金璧贖歸因問夫人家先多墳籍猶能記
 憶否文姬曰亡父賜書四千許卷流離塗炭罔
 有存者今所謂憶纔四百餘篇操曰會當使十
 吏就夫人寫之文姬曰妾聞男女之別禮不親
 授乞給紙筆真草唯命後繕送書無遺誤

中郎苦為燃臍泣文姬亦感曹瞞德傷心墳籍流離
 失蓬跣庭階乞紙筆可憐知己恣權姦悲憤詩成怨
 入關當年翠鳥非徒作保齡何不保紅顏逢百罹兮

樂府詩鈔 卷

我生後摧心肝兮命不又

宏農妃

宏農王妃唐姬也王為董卓所廢王死時與姬

飲酒別王自悲歌姬起舞亦挽袖而歌之歌曰

死生有路從此乖

王悲歌姬起舞天風漫漫鬼嘯語筵前認得死生路

挽袖長歌淚如雨漣面沉沉色如土姬為厲鬼王母

苦終殺瓊奴向郿塢王勿悲姬且舞

馮家女

漢司隸馮方女避亂揚州袁術悅而納之甚愛
幸諸婦思害其寵語之曰將軍貴人也有志節
當時時涕泣憂愁以長見欽重女從之後諸婦
因共絞殺繫之廁術誠以爲不得志而然也

馮家女愁眉淚眼將軍府將軍志節欽愁苦妬汝之
人爲此語可憐固寵偏殞身將軍不辨廁中人千古
沈冤鬱不伸吁嗟乎千古沉冤鬱莫伸

樂府詩鈔

卷一

古

自君之出矣

自君之出矣楊柳復青青思君比飛絮縈拂不曾停

其二

自君之出矣幾度又消寒思君如落葉飄泊未曾安

跋

今人有未會讀古樂府而自謂作詩者矣見人集中有擬古等題且相與非議之以爲爾何能而輒擬古也且古題則又何與於今也鬯因是遂不敢以稿示人亦以擬古多於近體之故今見適父集中多樂府舊題可見其源流所自出而功力之所由日進也然恐不喜古樂府者或亦非之議之將奈何乙丑三月十七日雪君朱鬯錫葵甫謹識

樂府詩鈔

卷二

一

之愛念及此則民之幸也又增南山竹一篇亦屬石琴和焉

烏夜啼

烏夜啼四更月出烏欲棲船女無船無所歸坐看繞樹烏羣飛船在餘杭待兵坐撐船之人對船俄船女淒淒抱冰卧何時望得將軍過啼烏啼烏汝莫悲儂船不如高樹枝琵琶冷暖無人知當筵一曲彈向誰

布穀行

布穀聲中車轆轤將軍夜來兵簇簇一兵兩夫夫不足田間人多吏來捉富戶折錢貧力作驅之如牛牛亦哭牛不得耕牛有犢夜半兩來愁布穀布穀布穀汝莫催傳言明日將軍來朝饑夜凍未可哀但願不悞官家差

馬草行

春風吹綠田邊草田裏無禾秧漸老忽聞將軍騎馬來官徵馬草官吏催田邊草盡田汚萊田夫挑草田

樂府詩鈔

卷一

二

婦哀侵晨挑草向官吏到晚腹饑交不去眼中流血草欲枯草色如醪愁馬醉百錢壽吏吏莫喚收我馬草放我耕

南山竹

南山之竹青入雲一夜砍除心欲焚問君何事亟須此織簾遮馬迎將軍薄薄片薄薄織當戶吏來催轉急長夜不眠寒月出破籬光射刀痕濕南山之竹有時盡竹刺刺心心不恨但須四百青銅錢買吏折納

都懷然

磨麩行 有引

石屏爲余言有微豆麩餵馬民間者舊麥旣糶新
麥未登乃減餐米磨糠覈中給之繼刈田中青麥
以資其不足有憫其勞苦者謂此王事豈敢暇逸
但穢蔡逆以靖海氛空腹輦重磨不累也爲次其
言曰磨麩行以附新樂府四篇之後云

風雨蕭蕭班馬鳴磴磴石磨齒欲平官吏征麩喂大

樂府詩鈔

卷二

三

馬馱我官軍浦城下我磨磨麥不磨麩去年麥多麩
亦多去年之麥折官穀今年之麥猶未熟減黃昏去
朝粥籩人朝食粥留米磨麩麩乃足田中青青麥可
刈毋令馬饑怒我吏紅旗明日田間馳我磨不磨馬
不嘶

抱女窀

并引

萬婦人者姓鄧氏某某縣孝婦也一女甫九齡夫
不良縣役誘之賄逼賣氏不得遂賣其女氏闔役

家鳴之官官蔽役批氏頰以女還氏氏歸途羞憤
抱女沉水死余聞之行人爲樂府詩以俟採風者
悲其情而傳之也

萬氏女汝何冤昔日母愛汝爲賢孝婦今日汝愛女
沉珠于淵愛女嫁作蕩子婦愛女慘遭酷吏手此身
甘心爲女殉此女安肯爲人有歸來視此清水清覆
盆之冤何必鳴可憐翁姑失養兒亦死婦有子方道
在襁褓
旁觀者泣如雨前日官來禁溺女却教婦女爲役苦

樂府詩鈔

卷一

四

黎侯逸事詩

并引

羅山黎湛溪夫子宰南昌五年多善政其擢饒州
司馬也民來能道其善政之詳余適居三衢聞師
且去僅收人所易軼事作樂府數章以補歌詩所
闕畧云爾

上壽叟

叟乎叟乎執鷄提壺將焉如足不踏城市街身不入
縣官廬東隣飲旨酒西隣烹鮮魚南原插新田北原

看箇番今日入城執雞提壺奈何居躋公堂上官壽
鄉人不識錦與綬三十仙官我父母攜童同入城祝
童如我壽年年官生日爲我奉卮酒

進魚民

進魚民手提三尺黃金鱗進官願祝官千春自言養
魚作生活有鴨食魚人打鴨誣魚盜鴨魚已枯覆盆
之魚亦何辜官能鑿雪魚人罪波清照澈鴨人悔提
魚進城向官拜感恩之魚良可贈

樂府詩鈔卷二

五

執柳巫

湖邊柳何青青江邊柳青入城執柳拂水驅龍行龍
不念赤子哀寧不念黎侯誠執柳擊鼓呼雷霆雷不
念赤子哀寧不念黎侯誠清晨執柳至薄暮神巫向
天泣甘雨

治庖人

使君愛民潔齋戒十日街頭禁屠宰旱龍不死無朝
猿誰人敢問庖蒸豚庖人洗馬池邊佳守分治庖懸

飢釜索酒呼餽來健兒自恃當關出大府使君怒曰
此旱魃命吏擊之聊當殺吏民歡笑聲如雷天邊甘
雨隨車來

貧穀婦

懷清之臺餓烏集高田蕭蕭道成莠月明夜夜照
襪城中畫龍那能濕饑人號聚如餓烏飛止臺邊尾
畢逋啞啞索食饑欲死朝啄暮啄不已朝朝暮暮
懷清臺有衆雛母臺邊來衆雛有母雛不啄懷清之

樂府詩鈔

卷二

六

臺救溝壑

衢州土風

做清明

衢城二月做清明城隍祭鬼城北門處處神來朝府
主兒童囚服神前舞一吏扮神騎大馬一吏高蹻自
空下接袂成雲汗成雨旁午出門歸薄暮村巫雜遝
飽欲死幾家煙冷炊無米紙錢塞路火連天不救餓
人救餓鬼

周王會

周孝子宣靈王年年生辰四月八衢城內外家家忙
陳鐘伐鼓羅酒漿排筵高會行臺旁連街塞巷歌寬
裳男瞻女拜求福祥觸神不汝怒求神肯汝昌敬神
何如敬父母拜神何如拜高堂神爲孝子餘馨香孝
子爲神壽無疆勸汝潔身爲孝子好向神前志心跪

青蛙神

青蛙作神辭井隈紆青拖紫民間來民能畏汝故汝

樂府詩鈔

卷一

七

敬送汝入廟望汝懷一部新聲一甌酒祝汝村村歌
大有歲豐爲汝釀金錢歲歉不來民不咎民間何事
釀金錢爲官爲私當問天

拜八寺

古人拜佛養其心今人拜佛勞其身養心佛在心頭
坐勞身空汝奔入城衢州城裏有八寺老嫗蹣跚少
婦累我聞佛有忉利天清淨耕心自在邊女紅不害
農不寒多羅密中多喜歡君不見文伯之母猶尚積

汝曹忘却心頭佛

請蠻師

秋風蕭蕭鬼嘯語
病人沉沉色如土
家人夜名蠻師舞
白晝捉魂搥大鼓
披髮搖叉街市中
羣呼羣應魂無蹤
詭言魂失去路遠
壘桌爲臺招可轉
九層桌上立蠻師
翻身直下稱魂歸
魂歸客賀家人喜
酸酒舖殺爭利市
蠻師醉飽甫出門
牀頭侍疾人驚喧

石室堰

樂府詩鈔

卷三

八

石室堰柯山坂水沟沟堰無功捐軀利民來張公公能保堰堰不圯年年堰官來看水堰長承官恒苦饑堰官俸祿民膏脂汝曹努力事雞黍張公騎馬來行雨

清獻墓

清獻墓在何許聞說有人墓邊語千夫擔汝宦裝去一琴一鶴那有此我問彼何人云是潭州帥姓林名曰存君莫笑潭州貪清獻文孫世單寒得錢多者皆

好官君不見今日暮遑夫錯愕誰敢高談論琴鶴

拜三朝

拜三朝宴新婦華堂銀燭連星斗新婦開筵設東首
小姑對對坐左右賓筵面東皆麗人一一艷奪酒中
春新婦低頭終席立利市人來笑向客衢俗攙新婦
皆戚黨中全
福者謂之
利市人畫湯出席拜中堂席半上湯點
謂之畫湯幾次更衣
轉綉房一湯一出頻頻拜簫管聲中雜環珮重門洞
啟照四隣觀者填門主不嗔

樂府詩鈔

卷二

九

剪官橘

九月看官橘樹頭樹底紅如血十月官吏來樹前樹
後聲如雷好橘輸官奉官吏連船載橘橘化水剪橘
之人心亦悔可憐一剪心一酸酸橘市人人不歡何
不鋤禾日當午甘心種橘爲橘苦二月春官來勸農
豈爲木奴傷瘡土獨不見種橘人年年剝土培橘根
以橘易食仍無禪

船埠頭

118

水亭門外朝京埠浮橋之下紅船住紅船中有船埠
 頭客船寄埠撐衢州一船不寄船埠捉船女鬻舟
 子縮拖篙背櫓收緯繩質庫押錢贖莫能船窮客富
 向客借客莫誰何但嗟訝船中女好做頭船當差博
 得官相憐秋孃既老無顏色頭亭賣去買菱白江山船極
 大者船唇有亭謂之頭亭極小者曰菱白猶向衙門求免差一免三月差
 復來一差質衣買差放再差無衣船亦當官清差苦
 船不辭當官打差船不悲以船候差謂之打差病船病客病行

樂府詩鈔 卷二

十

役船埠昂昂日酒食君不聞頭關都怕過龍游龍游
 過了愁衢州
 桂林土風

別山墓 諫督張同疏

別山墓在何許棲霞洞邊一杯土別山守桂稱循吏
 小民爭識江陵裔驅疆捍城兵不利兵不利別山沒
 別山沒畱香骨凌雲馬鬣撐西粵年十一月日十七
 弔公死日為生日千人萬人墓邊立酸風割人人不

慄君不見山頭宰木干霄直桂林霜冷雙忠出國朝立雙

忠祠祀馬文毅
傳忠毅二公

百錢齋

高僧作會作中元替人救度孟蘭盆家家釀錢入僧
寺一家百錢解冥罪豎幡列勝羅善人擊鼓敲鑼聚
僧輩可憐孝女與孤兒自向街頭質布被蓮花滿地
照冤鬼茅屋無燈冷如水羣僧施食五更初散齋飽
喫筍角魚角讀若科桂俗以大筍細切經年浸水甕
中至氣臭不可近用以煮魚名曰筍角魚

樂府詩鈔卷一

北門墟

十一

北門墟四鄉集大豬小豬日中易摩肩接臂多女郎
藍布裹頭雙腳赤五日纒成白紗白織布持售外江
客土人呼他
人曰外江換得木棉歸去急背上小兒啼啞啞君
不見北門口幾家暴富羅新婦大珠堆鬢金纏手倚
樓看墟說女醜

東江橋

百船鐵鎖東江橋水高橋斷船亦漂前人利民度經

費千籌萬慮成科條南山之木有時盡一民不涉民
之病巨編大賈軒然來征商自古非苛政從此橋邊
上下關吏胥納稅分雙班日日開橋放船過船來總
向關前灣遊洞之船亦如此百錢看驗吏不喜遊客
蹠跟棄船去吏猶恠客無行李

三界樓

三界樓神正直世事請張聽不得樓上偏來賭咒客
香煙逼人毛髮立眼前灘水黑冥冥七星巖石寒森
森切莫說謊干神明青龍昨日化青萍君不見三界
神嗔天上去善惡從來一條路

銅觀音

銅觀音鑄成亦費千黃金偶離塵土垂珠纓臭銅亦
足傳聲名姦僧浪說神威靈一經供養驚愚氓癡男
媿女怪可嗔減餐缺養來齋僧僧寺門新僧膽赫鬪
門塞戶燒香客可憐大寺牟尼佛閉目低頭風雨耐

定粵寺俗呼爲
大寺正殿頭祀

枉然十丈金身高笑汝不及銅菩薩

摸照壁

摸照壁貢院前一兒幪頭走衆兒拍手牽多般攪亂
使迷向往往岐出照壁上照壁過羣兒呼腳跟不定
心糊塗未到扯頭心不服幪頭再摸急雙腳偶然摸
着亦尋常自解抹額殊揚揚可憐前程暗似漆莫笑
小兒摸照壁

打陀螺

打陀螺臘月天街上小兒狂欲顛陀螺旋作彈丸走

樂府詩鈔

卷二

十三

兒打陀螺繩在手陀螺轉轉羣兒歡陀螺不轉羣兒
歎昨日陀螺劇新美今日陀螺卧溝底不能自立看
陀螺陀螺奈爾何

紅廟虎

卽廣福王廟

紅廟虎亦爲神偶然一嘯驚行人行人驚土人笑神
虎何嘗敢唬噉福王血食香火繁虎但隨班坐廟門
福王靈顯金盈庫虎亦殷勤爲呵護頭塘女兒見虎
慣不識虎威呼虎飯呼虎飯虎不貪匪虎不貪福王

在此空耽耽

都魯巖

桂城西北多巖巖都魯夜伏敵莫覘無端狂狗向巖
吠坐令妙策成危陸妙策破都魯死都魯爲神狗祭
汝吁嗟狗口猶信信無怪都魯恨不伸都魯都魯汝
何苦從來狗吠非其主

蹕陽橋

桂林中秋生桂子路上嫦娥遊月底鼓樓之下有陽

樂府詩

卷二

十四

橋結伴蹕橋云叶喜去年無月天陰雨赤脚如霜泥
泥土陰橋九子經幾回陰橋在橋下凡九甕曰九子橋笑煞陽橋社
公姥橋伴人家三角塘竹絲燈照蹕橋孃君不見橋
頭金鼓出亭子送瓜分酒食是夕盜南瓜送人宜子縱酒食而歸

春鑼巫

春鑼巫坐華堂通宵大燭明煌煌裁紙寫神貼四旁
服婦人服粧婦粧口吹牛角聲鳴揚喃喃唱和鑼丁
當頭頂燈手擲火跪拜盤旋舞復坐張拳疊碗轉不

叶

翻赤脚踰刀皮不破割臂取血塗將軍出門捉鬼捉
毛人居然高座比對簿促召家神喚宗祖阼階朝服
儼雖古豈與兒曹作巫蠱蠻人重巫不重醫青天白
日來鬼師

問神婆

人家念戀亡人苦促召神婆與神語神婆閉目亡人
來亡人語細如嬰孩平生嗜好神婆識索酒呼煙求
飲食神婆醉飽亡人去何嘗有影能求得聞說神婆

樂府詩金

卷二

七

師鬼師張家買符貴不辭可憐亦是留侯後却向人
間賣符咒

七禽言

并序

春將闌使署齋居岑寂齋前後綠樹交陰時禽百
轉若道民間疾苦有各肖其聲之似者為傳其語
使言者無罪聞者足戒耳作七禽言仍做蘇梅體

泥滑滑

吏猾猾當官有例官難察糧吏升科戶禮肥青天害

民作承發清官跟着猾吏走清官難逃猾吏手吏猾
猾官須察

杜宇

蠹役蠹役天生惡卒一票承差一家哭票上腥腥血
染紅批明帶案人証同急捉緩審先脫籠有錢萬事
都可鬆一票未了役不足探聽某家倉有穀求請恩
官更差出總頭名字四鄉熟蠹役蠹役官奈何清官
無如蠹役多

樂府詩鈔

卷一

去

布穀

各宗託過不錯批錯錯批不錯是非顛倒官奈何事
出僉人力偏大有錢有勢官未知一宗一宗都有私
清官審斷會有時一經託過先得批僉人有力官何
爲

鴉鳥

骨儂骨儂閩人傳語將毋同朝骨儂某人某案罪莫
鬆暮骨儂某人某案例可容朝暮骨儂聽聽轉一不

從聞事難違聞人骨儂官奈何官清聞惡政乃苛可
憐苛政官不爲骨儂骨儂奈何居

班鳩

糊糊塗塗官不糊塗佐糊塗佐糊塗求事辦朝進千
錢暮進萬清官事事不糊塗爲他佐雜餓不何糊糊
塗塗苦爾百姓真無辜

吐哇鳥

痛噁痛噁替人過比無奈何圖差徵錢自家用十日

樂府詩鈔

卷二

七

一比毛鬼痛以錢計責責不多毛鬼聲聲呼痛噁不
痛民間欠新賦不痛清官催賦苦最痛圖差作財主
圖差之惡惡如何四鄉飲啄肩輕枷

鴛鴦

恤我孤孤我父母父母恤我孤不苦父母非不恤我
孤人蔽父母父母孤父母亦孤我孤苦孤惟向我父
母呼父乎母乎恤我孤孤

樂府詩鈔卷二

南昌龔 鈇季適甫著

趙學燧庭光
宗兆燮良弼 校梓

尙友新樂府

風雨池 梅福

生我酷兮身我桔兮形我辱兮智我毒兮安得蓮池
使我浴兮彼尉何榮卒何辱兮吾將風雨於吳市抗
迹西山之麓兮

樂府詩鈔 卷二

東湖柳 徐穉

吾亦有宅湖柳之側吾亦有地湖柳之外吾亦一諸
生傍湖柳以周行東湖之柳高莫攀春煙拂拂鷗波
寒

精舍立 康僧淵

精舍立清流激講席研理味徹誰寒溫市肆乞知名
不媿殷家客風流真面何人識山淵千古庾樓月

招隱館 雷次宗

雞籠山山何高次宗感念棲城壕招隱館館不惡次
宗多情下廬岳可憐就業延賢堂次宗不救心憂傷

潯陽隱 周續之

潯陽九派靈源出柴桑萬戶爐峰側此中乃有顏子
室一卷老子味道德獨不見當年王輔嗣清言注周

易

婦無禪

范宣

寧可使婦無禪不可使我無守遺絹之人胡乃厚茹

樂府詩鈔

卷三

二

茨中有讀書聲聞居屢空江州富識得人生與憂生
不讀老莊心亦清

趙夫子

趙炎

善丹青當塗丞天下稱好賓客太白一樽天下識
不能學長生但學長不死南昌仙人趙夫子

韋尚書

來鵬

他鄉好夢還家裏徐孺亭前一湖水綠荷風葉剪春
波胡乃人家恨秋雨牡丹得錢花亦疎愛才誰是韋

尚書

韓柳筆

來鶴

韓公筆柳公筆一卷聖政紀規頌耀史冊伊誰學得
來公集獨挽銀河九天立

烏程令

喻鳧

我懷古睦州題詩弔方干雁天霞脚秋兩寒幾日凋
顏怯明鏡綺羅笑殺烏程令

蓮花女

陳陶

樂府詩鈔

卷三

三

種樹前山前種橙北山北山童賣錢易酒食妻子讀
書花底出高歌看雲弄奇色一鼎雌雄炷金液已識
天門向空澗蓮花女郎踏秋月

豫章姝

張好好

高閣枕江聯碧虛華筵踏歌豫章姝塞管繁絃慘不
舒重來再見徒歎歎一褐擁秋風瑟瑟衰楊亂絲挂
斜日髮華不恤樊川翁東湖月向天涯白

助鼎俎

宋宇

種蔬三十品一一聽天萬助爾鼎俎家無患過寒日
嗟哉宋生誰與京揮鋤卷雲有雲卿

菱角巾 王隣

菱角巾貯菱角名實相副差可樂古人須汝緩愁年
採之不來誰汝剥君不見蓮池風浪作有人歌賣藥
偃王仁義動明主江南一碑向天豎血淚染翰泣千
古烏啼西山白楊雨蕭蕭木落孤臣墓

樂府詩鈔

卷三

四

數闋歌 徐鍇

翁癡弟不癡中書舍人亦何爲紅裙白酒中爲樂須
及時得此數闋歌中書舍人復何爲翁癡弟不癡

筆扛鼎 洪朋

龍文百斛鼎筆力可獨扛昌黎有此言山谷心亦降
吁嗟龜父文無雙

元祐黨 洪炎

元祐一碑千萬古中有黨人洪王父循政未讓龔黃

優著作亦冠夔龍儔豈不如晁无咎秦少游

汗血駒

洪芻

驂騮開道來天衢引出人間汗血駒
長安踏花不知數春風得意傳香譜
一瓣偏為班馬熏南州長留漢宮春
兩驂如舞叔在藪獨不言何无忌酷似舅

五雜俎學逃禪

僧大訥

五雜俎詩千篇徃復來向廬山不得已
學逃禪五雜俎衣掖逢徃復來有詩筒
不得已去歸宗

樂府詩鈔

卷一

五

署門啞

八大山人

八大無碍人覺而慧八大獨醒人覺而靈
沂州棒地上打無人識得署門啞
朝朝索酒笑非假胡乃欲歛數行下曹溪
一滴醉時墨不是屠沽求不得

草草廬

黎元寬

草草廬中書萬卷蓼花洲前月一片
郊外行窩牛屋淺居然安樂兒童挽田夫
野老相吟哦道上時逢春夢婆君不見
三山老高咏臨湖閣自言眼底有波濤

未及東湖著書樂

煮林茶

朱謙霽易姓林

不力耕不得食徒妻子居冠石畫圖中人人不識赤
脚揮鋤頭裹帛朗朗行歌出金石人家不買東陵瓜
家家戶戶煮林茶

四照堂

王醇定

四照堂在何許東湖旁不得住等閒談笑來公卿呼
試不就時名輕傳說勾留爲西子千古冷然裏湖水

樂府詩鈔

卷三

六

賜田宅

楊屋

宅一區 天子賜汝藏詩書田一廛 天子賜汝免
飢寒莫笈窮邊游俠子已作南昌老名士君不見雲
卿讀書汲湖水躬耕不早恥夫恥

講儀禮

龔元玠

先生來講儀禮演田間教鄉里荷蓑知揖讓農夫知
拜跪治河策上先生起不歌銅鼓歌瓠子我生之後
嗟已矣

篷窻閉 嚴光

篷窻閉釣臺至咄咄子陵不可視毋投所忌于公不利公不見顯官大賈臺下奔一生不恤狂奴言

白燕巢 嚴侶

白燕巢巢何高嚴家宰木風蕭蕭白燕巢巢可栖嚴家墓上多香泥不肯華堂香梁舞肯伴孝子廬中苦廬中不苦西臺猶有謝臯羽

張神仙 張志和

樂府詩鈔

卷三

七

一張舟居却無水一張舟居竟忘做我愛舟居人更愛張元真世上往來亦何有神仙自古耽詩酒魯公魯公我生後

露香几 趙忞

露香几告天地平生所爲差可對人間到處識清琴天上知公有鶴心清獻之清無古今

呼過河 宗澤

君莫歌呼過河英雄空有淚師捷復如何高宗未信

黃汪沮胆落澶淵作孤注天留湖水參魚龍識得精
忠亦無補君不見金字牌從湖上來將軍痛哭班師
迴朝廷竟有三字獄那得連上還京牘英雄空有淚
師捷復如何君莫歌呼過河

莫升座 陳亮

莫升座聖賢須繫籍高談亦何可但能抗陛說壽皇
五十布衣天下強王通無傳亦千古桃李公門笈房
杜

樂府詩鈔 卷三

八

大事記 呂祖謙

莫爲之前美弗彰莫爲之後盛弗傳東萊東萊無間
然東萊學紹關洛東萊文媲靈均登聞可擊兮踰嶺
有備惟公有翁兮大事可記

愧子約 呂祖儉

吉州來呂子約鹿洞有人方謬謬書來愧公空講學
舉國之狂不可醫賣藥之心誰得知

狂生來 呂祖泰

忠公死狂生來諸臣箝口如輿僂陛下龜年安在哉
朝廷尚有周必大可憐懼禍樵蘇地騎虎不下權臣
誅中外大駭狂生書狂生來吾與居

天君命 范浚

天君令人所從目司明耳司聰天君寂百體適天君
違庶事頽天君天君汝有令慎勿持爲有司徇

范舍人 范端臣

范舍人着綸巾日抛手版尋芳春范舍人出塵外秀

樂府詩鈔

卷三

九

野亭中觀自在冷然照纓真我存蒙齋千古留香根

郡寮人 毛滂

錢唐守不知法曹亦何咎守錢唐法曹不來罪何嘗
法曹秩滿例當去驚人乃在山深處吁嗟坡公難再
生郡寮何日無澤民

才思雄 王梅

二儒者來浙東才思雄惟子充東萊大事誰其終爝
火餘燼能摧公青巖山頭挺松栢莫羨坐臨觀化帖

溫樹室 宋濂

宋先生亦儒者不受小國金文章本無價天子布衣
卿草萊歸田未久夔門開莫學阿諛孔師傅但教室
壁題溫樹

竹如意 謝翱

君不見魏中山白角如意能麾軍又不見王昭遠鎖
鐵如意希孔明會稽汝社方論文歌詩慨慷非招魂
可憐竹如意乃與石俱碎信國之客果何罪

樂府詩鈔

卷三

十

題容州 方鳳

趙家天塹已不守一抔之土夫何有海濤風捲厓山
駭一夫之骨夫誰埋連天綠遍冬青樹題旌不忘容
州主

知饒州 王師愈

忤執政為民耳誰償內府銀積逋無時已保得歲寒
身乃治饒州民芝山猶有范公跡廿載甘棠亦松栢

柴門寂 楊與立

柴門寂種竹讀書消白日少人過禽鳥闕關口自哦
船山有道向伊洛識得水深魚極樂

白雲人北山高

何基

北山著述惟發揮世人胡乃夸言辭北山治經尙精
玩世人胡乃紛辨難一室危坐萬卷橫陳不求人知
聘幣在門北山之高高絕倫

號長嘯

王栢

號長嘯慕諸葛隆中亦奇士功名安可薄識得一生

樂府詩鈔

卷三

十一

持敬處魯齋真能讀論語

主釣臺

金履祥

仁孰懷之義孰輔之維彼釣臺仁山主之學孰講之
德孰修之維彼仁山學者休之

華山雲

許謙

白雲入華山高潔不可攀華山有白雲道妙於斯存
華山之雲不成雨澤被草萊亦千古

白雲塢

張志行

八行稱州里冲素號朝宁拂袖歸來營別墅涵碧天
空白雲塢此間尚有天香臺斯人不作心徘徊

六尺檄 駱賓王

雌龍不畏天公謫乃畏人間六尺檄誰爲此檄龍不
嗔宰相安得失此人懷忠發憤雖無補銛銛翟義共
千古

字三縑

皇甫湜

先福寺求碑字近不取湜取居易三千言一斗酒飲

樂府詩鈔

卷三

七

酣落筆不停手字不三縑遇我薄不羈之才晉公樂
乃知執贄遊韓門李翱張籍非其倫

漱玉詞

李清照

一卷漱玉詞泠泠煙溪水我來盈川遊相從拾芳芷
黃花幾度捲西風珊珊瘦骨香玲瓏可憐十里衢州
路而今但有趙姬墓 明太守
姬人

一笠雲

施肩吾

龍鍾方養性薄命始依道西山一笠雲空傍詩人老

我亦西山谷口樵却向嚴陵學釣鰲識得仙家花鳥
路蕭雲梅雨訪三茅

論倭篇

吳萊

深裏山中著書客以文譬兵談紀律解讀班書過汝
南亦有仙才同巷北而今去公五百年幾人三復論
倭篇

全歸子

吳思齊

賦黍離歌麥秀哀斷江南字山笑浦陽一變徵聲多識

樂府詩鈔

卷三

三

得招魂是淒調全歸認得白雲源釣臺終古聞潺湲

方三拜

方干

補唇先生謁廉帥世人爭識方三拜一第不得榮先
生世人私謚方元英釣臺留得凌雲像狀元姓氏誇
真榜

柳提舉

柳貫

日暖江南春不語春風到處多雲侶東湖今日復弦
歌認得當年柳提舉綠楊終古傍徐亭何處汀洲采

白蘋

晉卿黃潛

晉卿直俸錢不給晉卿誠納祿侍親歸來日永鳥傷
春冷繡湖不波一碧萬頃晉卿晉卿我心迴

醉翁弟子徐無黨

醉翁弟子徐東陽居今稽古攻文章詞氣自涌山中
水嗟哉立言安可恃世人徒知重言語誰其學愚兼
克己可憐草木榮華死鳥獸之音但娛耳我不見古

樂府詩鈔

卷三

十四

人得見古作者千言萬載空文詞使我潛然涕俱下

海西令程晉

十載長安居一官海西令歸來課生徒微言紹顏孟
春風滿路開桃李有榻還傳徐孺子

芝草生唐檀

古有鄭子產謂言天道遠今有唐子產乃以咎徵免
吁嗟太守上嘉瑞王聖封侯楊震死年年芝草生閭
里何不還家著唐子

零陵守 楊璇

零陵守尚文字桂梧賊多攻且至書生力弱民何恃
零陵守多智謀梧桂賊多行且梟書生力弱民無憂
吁嗟乎日日談兵果何益君不見文叔平生怯小敵
誰歌迴馬曲歛歔傷母心焚裘執手空悲吟阿弟依
依瞻馬首如此分離那得有荆樹花殘忠孝門馬蹄
偏向花邊走

樂府詩鈔

卷三

五

卿州士

胡藩

仲堪惡直言禍至亦何云桓元襲仲堪乃復參其軍
吁嗟馬控不可捉羽林射手悲桑落卿州士多果何
語可憐又遇推誠主

桑門瓜

滕曇恭

南昌有曾子姓滕名曇恭五齡奉母母患熱覓瓜出
戶矜竒逢記得桑門遺瓜處神光遙護冬青樹斯人
未解作功曹祿養應知愧當路

吳富體 吳少微

人間重徐庾誰傳吳富體元和長慶尚韓孟那知三
傑長安起說到蘇梅今杳矣敷愉我愛歐陽子

章才子

章八元

嚴維有高翁人間號才子郵亭到處題章字世無元
白何人知家法偏傳海燕詩

僧中豪

貫休

僧中豪詩供佛千古獨醒人一林湘渚月可憐錢塘

樂府詩鈔

卷三

六

射潮客萊子衣裳宮錦窄未肯詩添四十州孤鶴風
高留不得

湘中役

熊登瀛

去年九月湘中役猶見先生舊行迹幾處相逢自舍
人何時更有劉賓客可憐夜夜斗杓中江流如箭月
如弓

寓韻軒

吳彩鸞

滿城風雨重陽近珠簾捲秋寫唐韻等閒仙子解憐

才莫浪人間騎虎來郎不事耕農不織何處風波更
行得年年七夕許多愁却笑家家拜女神

幕中匿

孫觴

平生有佳句肯贊總無益田舍火頭語譏謗亦深入
騷情風韻幾人知莫笑孫郎幕中匿

方塘泣

徐徽言

方塘泣澱水鳴桐江海立腥風生晉陵何處魂依主
臨安一軍臣故里潮頭有臣臣未死

樂府詩鈔

卷三

七

喻子才

喻樛

受業楊龜山往謁趙忠簡拂袖起煙霞萬事不挂眼
一言啓沃賦歸來誰識嚴州喻子才

衣履敝

徐僑

毅齋剛直士世乃有崇甫先生果知人乃令丞相怒
吁嗟臣不貧陛下乃貧耳文清一言悟英主衣垢履
敝亦千古

蘆隱好

喻樛

蘆隱好無人知世上翩翩皆小兒公髯既種種豪談
復何爲有人愛走宜春道思公一卷龍川稿而今仰
望夫人峯築室都知蘆隱好

走東甌

喻南強

少小負竒氣乃與龍川遊卒直先生寃義士走東甌
蘆隱兄梅隱弟世上風波安足計西山舟過富春江
至今人識東甌吏

讀書義

龔應之

與子寺少

各

大

龔慶善見吾族亦得連篇書義讀書處善居下俛書
義偏能達聖朝此人安在應之起文清門人乃如此

高而貧官人變去宜春直思公一參騎杖蘇而人財
百網錢無人賦而土脂編泮水泉矣

題跋

向在揚州於元淑處得讀舒香翁古體詩數篇意致高古今讀 漚舸集樂府諸篇多似之如唐朱慶餘之於張籍墨子云必擇所堪呂覽曰所染得當漚舸矣嘉慶戊辰冬日南城胡森讀一過

客不來繙漚舸樂府展讀再過輒就鄙為唐詩刻求疵類正欲顯作家精神
白紫樞弟宗維垣識

龔處善是吾族加得連日則抗古人也恩水張瓊英拜讀

義偏能達聖朝此賦謝稽務核垂鑒無窮詩而兼史

白處松拜讀

儀飭整聲調清新史筆仙詩風宜雅恩弟王運泰拜讀

題詞

天台黃

濬壺州

歷歷落落無不可
嚙嚙崎崎君與我
君今嚙崎歷歷落
猶可爲惜我以官束縛之讀君詩爲君哭君應爲我
哭不足哭君幕府空白頭哭我束縛如獼猴君亦不
我亦不哭百年詩卷如雲煙回首黃梁炊飯熟道

春日醉後留題

